

Иим урокс шулу-шулугъар кеджӕхмн

Каспийск района эрдм-сур-
гъулин отдел, хальмг клас-
смудар кӕдлджӕх багшириг
январь сард цуглулад, джилин
хойрдгч ӕрӕлд ямаран бӕадл-
тӕгъӕр хальмг болн орс кел
сургъхиг цӕӕлгъдж ӕглӕ. Эн
болсн хург хальмг негдгч
классин багширт болн наадк
классмудт хальмг келӕр сур-
гъдг багширт ик дӕнъгӕн кӕ-
ргв.

Мана района эрдм-сургъу-
лин отделин зурагъар, февра-
лин 15-д, негдгч классин багш
Эрдни-Гаряев Манджин кесн
уроки, Каспийск дундин болн
долан джилӕ школмудин, Ра-
кушин болн Улан-Холин эклц
школмудин багшир ирдж суу-
цхав.

Эрдни-Гаряев хальмг келнӕ
умшлгъар болн бичлгъӕр, эс-

вӕр урокс ӕгв. Кесн гурвн
урокнъ наадк багширт йир
икӕр таасгдв. Ӕр Эрдни-Га-
ряев арв гар джилд школин
багш кӕдлдж йовна. Багшин
кӕдлмшӕн сӕӕнӕр меднӕ, тер
медрлӕн сургъульчирт сӕӕнӕр
ӕгчӕнӕ.

Урокс чилсн хӕӕн, багшир
цуглард, Эрдни-Гаряевин сӕн,
чик сургъмджинъ темдглад,
ямаран дуту-дунд бӕӕхинъ
зацхав.

Каспийск района эрдм сургъу-
лин отдел, даругъас негдгч
хальмг классин орс келнӕ
умшлгъна болн бичлгънӕ уро-
киг нег школин багшар кел-
гӕлхӕр шиидв.

Иим кӕдлмшиг дару-дарунъ
кеджӕхлӕ сӕн болхмн.

Д. УБУШИЕВ.

Каспийск школин багш.